



MENTERI Kebudayaan, Belia dan Sukan, Yang Berhormat Mejar Jeneral (B) Dato Paduka Seri Haji Aminuddin Ihsan bin Pehin Orang Kaya Saiful Mulok Dato Seri Paduka Haji Abidin menyaksikan Pameran Fotografi 'Indahnya Islam'.

BANDAR SERI BEGAWAN, Isnin, 29 April. - Gambaran sesebuah negara itu akan lebih dihargai dengan adanya pameran-pameran fotografi yang menunjukkan sudut pandangan yang berbeza dari gambaran yang kebiasaannya diketengahkan untuk tujuan promosi dan pelancongan. Lebih-lebih lagi dalam menengahkan ibu negara

Pameran Fotografi 'Indahnya Islam'

Berita dan Foto : Hernie Suliana Haji Othman

Menteri Kebudayaan, Belia dan Sukan, Yang Berhormat Mejar Jeneral (B) Dato Paduka Seri Haji Aminuddin Ihsan bin Pehin Orang Kaya Saiful Mulok Dato Seri Paduka Haji Abidin.

Turut hadir, Setiausaha Tetap (Pentadbiran, Kewangan dan Estet) KKBS, Pengiran Mohammad Amirrizal bin Pengiran Haji Mahmud serta Timbalan-timbalan Setiausaha Tetap KKBS.

Jabatan Muzium-Muzium memberi peluang dan ruang Galeri Seni, Dermaga Diraja sebagai wadah bagi mempamerkan hasil seni karya Ahli-ahli PFNBD yang dirakam dan diambil di negara ini mengikut perspektif masing-masing. Sejarah dengan objektif

pertubuhan, iaitu bagi menggalakkan orang awam meminati dan seterusnya menghargai nilai seni fotografi, pameran tersebut adalah salah satu produk utama pertubuhan yang perlu diketengahkan sebagai tontonan awam.

Selain itu, ia juga bagi memperlihatkan sudut pandangan yang berbeza mengenai sesuatu objek atau tempat dan sentunya akan menjadi satu platform bagi mendorong para ahli pertubuhan tersebut supaya lebih berkeyakinan dalam berkarya lebih jauh lagi.

Sebanyak 52 keping gambar hasil seni 21 Ahli PFNBD dipamerkan pada pameran yang telah dibuka sejak 26 April dan akan berlangsung sehingga 20 Mei 2019.

SMPAPHRSB raikan Sambutan Jubli Perak



AHLI Majlis Mesyuarat Negara, Yang Berhormat Awang Hanapi bin Mohd. Siput (lima, kanan) selaku Ketua Kampung Labi I, Daerah Belait hadir pada Majlis Cleanathon dan Hari Keluarga sempena Jubli Perak Sekolah Menengah Pengiran Anak Puteri Hajah Rashidah Sa'adatull Bolkiah (SMPAPHRSB), Lumut.

Berita dan Foto : Ihsan Sekolah Menengah Pengiran Anak Puteri Hajah Rashidah Sa'adatull Bolkiah, Lumut

LUMUT, Isnin, 29 April. - Sekolah Menengah Pengiran Anak Puteri Hajah Rashidah Sa'adatull Bolkiah (SMPAPHRSB), Lumut kelmari mengadakan Cleanathon dan Hari Keluarga sempena Jubli Perak sekolah tersebut.

Hadir selaku tetamu kehormat pada majlis tersebut, Ahli Majlis Mesyuarat Negara, Yang Berhormat Awang Hanapi bin Mohd. Siput selaku Ketua Kampung Labi I, Daerah Belait.

Dalam ucapan alu-aluan Pengetua SMPAPHRSB, Dayang Halizawati binti Haji Kepli antara lain menjelaskan bahawa objektif majlis tersebut diadakan adalah bagi memperingati hari penubuhan sekolah tersebut yang ke-25 tahun.

Di samping itu, Cleanathon dan Hari Keluarga diadakan bertujuan untuk memberi kesedaran serta memupuk rasa

cintakan kebersihan dan gaya hidup sihat kepada warga sekolah dan masyarakat setempat.

"Ia merupakan salah satu langkah untuk mengeratkan hubungan silaturahim di antara warga sekolah, ibu bapa dan masyarakat. Ia juga bagi mengumpul dan menyumbang Dana untuk Tabung Pelajar Kurang Berkemampuan dan Anak-anak Yatim sekolah ini," jelas Dayang Halizawati.

Pada majlis tersebut, Yang Berhormat juga berkesempatan melancarkan papan tanda sumbangan SMPAPHRSB, Lumut.

Majlis juga diselenggarakan dengan penyampaian hadiah kutipan terbanyak bagi Kad Kutipan Cleanathon kepada guru-guru dan pelajar-pelajar yang berjaya meraih kutipan tertinggi.

Sepanjang acara tersebut,



PENGETUA SMPAPHRSB, Dayang Halizawati binti Haji Kepli semasa berucap pada majlis tersebut.

pelbagai aktiviti diadakan antaranya bazar jualan, persembahan dan pameran daripada Gurkha Garison, pameran dan jualan produk kampung dari Majlis Perundingan Kampung dan sebagainya.

UNISSA terima sumbangan buku



PESURUHJAYA Tinggi Republik India ke Negara Brunei Darussalam, Tuan Yang Terutama Ajaneesh Kumar (kiri) menyerahkan sumbangan buku tersebut kepada Rektor UNISSA, Dr. Haji Norarfan bin Haji Zainal (kanan).

Siaran Akhbar dan Foto : Universiti Islam Sultan Sharif Ali

BANDAR SERI BEGAWAN, Isnin, 29 April. - Universiti Islam Sultan Sharif Ali (UNISSA) telah menerima sumbangan buku daripada Pesuruhjaya Tinggi Republik India ke Negara Brunei Darussalam, Tuan Yang Terutama Ajaneesh Kumar.

Sejumlah 38 buah buku disumbangkan dan diserahkan sendiri oleh Tuan Yang Terutama Pesuruhjaya Tinggi Republik India kepada Rektor UNISSA, Dr. Haji Norarfan bin Haji Zainal.

Buku-buku ini meliputi pelbagai topik termasuk kebudayaan, politik, ekonomi, sejarah, tokoh-tokoh terkenal serta beberapa buku akademik.

Di kesempatan ini, Rektor UNISSA mengucapkan penghargaan kepada TYT atas sumbangan tersebut yang dapat membantu menambah bahan bacaan dan koleksi Perpustakaan

UNISSA sebagai rujukan kepada orang ramai, khususnya para mahasiswa UNISSA.

Perjumpaan yang diadakan di Pejabat Rektor UNISSA juga dapat mengeratkan lagi hubungan kerjasama dua hala antara UNISSA dan Suruhanjaya Tinggi India, di samping akan mengadakan program-program ilmiah yang merupakan sebahagian daripada usaha berterusan ke arah mengukuhkan hubungan antara Negara Brunei Darussalam dan India.

Setakat ini UNISSA mempunyai hubungan dua hala pendidikan dengan enam buah universiti ternama di India melalui penandatanganan Memorandum Persefahaman (MoU).

Turut hadir, Timbalan Rektor UNISSA, Dr. Haji Mohammed Hussain bin Pehin Penyurat Haji Ahmad.